

王先生七十晋三大庆

寿而昌

陳乃元敬祝




FUDAN JPZ0000018324B 复旦图书馆

社安銀生先

Rw 11/1189/02

民國廿五年十月拾日鏡容攝



莊銀安肖像



民國前七年

現年四十九

莊銀安肖像

民國紀元前六年



現年五十

莊銀安肖像

現
年
六
十
六



民
國
十
年

莊銀安肖像



民國十一年

現年六十七

莊銀安肖像



民國十二年

現年六十八



莊銀安先生



莊銀安先生
民國拾捌年
七月十四日




莊銀安先生
民國十五年
七月十一日



彭安堯先生七十壽三徵贊
壯健樂善非真
人師而誠毅所
重華文敏又晚
歸梓里奮臂區
時臨其身而
公利是圖斯真
得天錫厚大勇
實非宜其龍蛇
竟隨鶴舉芝眉
晚長識與宋誠
聞風起成欲
舉以爲規
戊辰夏日古
吳法門一
處 敬題


彭安堯

家鄉舊宅



民國元年六月造


民十七落成



樓上閒來閣

樓下清涼亭

十字路口



壽言集自序

余世居於福建同邑鼎美之祥露鄉自束髮受書以還嘗聞諸鄉人歸自南洋者言曰外國人欺我僑民殊甚輒欲身親其地以窮究竟年十八南渡緬甸耳目所及始悉外人之所以欺我侮我者皆我國勢不振有以致之余因是革命思想油然而生蓋非革命

自

序

命不足以強國非革命不足以喚醒僑民適孫總理及陶成章胡漢民諸先生先後蒞甸相見之餘談革命甚懽晝夜不倦於是余之致力於革命由思想而爲事業矣如設立革命機關也閱書報社也光華日報也僑民學校也數十年如一日未敢稍懈辛亥秋武漢首義天下嚮應余被舉回國助理謬膺廈門財政是時司空仰屋秩序因而不甯經余電南洋請款地方秩序賴以稍安嗣復南渡民國十二年摒擋一切回國鄉居

—— 自 ——

不復作遠遊之想矣時年六十有八迴溯生平事業無補於世趁此衰老退樂餘年而省政府不以老拙見棄委余承乏僑務委員駑馬加鞭時見顛躓民國十七年九月二十七日爲余年七十有三賤辰親友知其事者咸欲爲余壽固辭未獲宏篇傑作美不勝收余何幸哉得此榮寵銘心不忘爰刊斯冊所以示謝且以誌喜

中華民國十八年春日

七十四叟莊銀安草

—— 序 ——

銀安莊老先生七十晉三榮壽序言

序

言

太史公傳游俠謂其信言果行重取與然諾捐軀命以赴困阨義概足多於朱家郭解輩贊揚靡遺餘力烏乎俠以武犯禁時干文罔有道君子厭稱之非以其血性過人未濟以深沉之學養乎不意俊傑識時兼有保身之明哲如 莊先生其人者 先生少時見識則邁羣輩當四十年前仰光華僑之小姓者每被大姓壓迫無法伸訴先生憤不能平常挺身爲小姓代表與之力爭輒得勝利故福建會館推爲耆長之一而銀安家長之譽亦藉甚一時也戊戌以後國中人士力倡變法 先生在仰亦創設中華義學以開先風氣時康有爲自印度至仰旅仰華僑尊之如神聖延其演講鼓吹保皇先生與友陳春源徐贊周提倡革命薄其所爲康慕其名欲籠絡之 先生終不贊成附康者目爲叛逆而 先生之革命色彩益鮮明矣丁未以後革命空氣磅礴海內外當時同盟會欲以滇桂爲根據地志士之由緬甸越南潛入者頻繁其由緬入滇者每就 先生壁劃一切及河口失敗 先生知時機未成熟遂在仰辦光華報以胡漢民

汪精衛居正呂志伊等主筆政大吹革命言論一縈風行聞者傾向清廷大恐向北京英使署交涉請英政府令仰光巡撫逐居正出境 先生時爲全盟會會長聞警先避檳城又在檳城辦光華報二埠之有黨報皆 先生爲之嚆矢焉辛亥革命軍起華僑匯款數十萬來閩推 先生出爲南洋總代表勦助光復事業閩都督府咨爲顧問廈門參事會亦推爲議長及二次革命失敗 先生仍回仰經商經理大同油廠數年間得資鉅萬遇有革命之役多率旅緬同志籌款贊助嗣以年老回國休養前年黨軍入閩省政府委爲僑務委員會委員因省政未就軌範經費無着再與戴金華林國治二言委員墊款二萬餘元其熱心黨國始終不懈履險如夷蹈危如安如游俠者而其學識非凡志趨遠大則爲豪俠所不及耳歲戊辰季秋值先生七旬晉三誕辰同人等不文愧無以爲壽繼思先生風節固自足壽世壽人者爰就管窺所及述之以侑觴政云

民鐘報同人李碩果陳允洛梁水絃劉石心傅振箕陳紹虞陳一民陳範予梁唯明李鐵民潘運樞紀昆侖等同祝

莊老世伯銀安先生七秩晉三壽序

序

言

八閩多端厚凝重重士若質而文樸而華和而剛者銀安先生庶幾當之民國紀元三年袁氏篡國惡氛甚熾冰弦間關走緬甸輒聞諸道路僉謂革命大業萌於海外僑人社會當 孫總理暨故將軍克強先生初抵緬境先生首率鄉人共策大計爾後瘁力於是者垂十年迨新邦肇造而先生不名於仕版蓋商爲先生之素業有事於革命者則公誼也公誼完成爰復素業故冰弦幸遇之日先生已爲一義聲昭著面恬然蟄伏市井之賈人逾十稔冰弦操筆政於廈門密邇先生珂鄉而先生亦已高年歸里優游林圃時復健步於鷺江鼓島間條然自適矚然不滓維洪範五福曰壽曰富曰康寧曰攸好德曰考終命先生已逾花甲又四之一於古亦云上壽爲國盡瘁之餘小試計然術輒有什佰中人產奚必纍纍始爲富耄耄之年不策枚登高臨深吾儕噓氣乃僅及之皤然其頂而膚色彌華老當益壯至若息跡里閭猶日事於敦禮正俗弭盜止鬥其德先蓋又無間大小也冰弦生性不解作諛詞先生儻亦以喜其愚直之故十年之別

—— 序 ——

千里之阻茗香酒熱月夕風晨恒齒及之祝嘏佳辰冰弦於役江南未克登華堂爲卮
酒獻願先生必以獲片詞爲快慰則小子何敢以不文辭爰據所懷爲先生祝無量壽
中華民國十八年 月 日 世愚侄梁冰弦拜譔